

INTERVJU Nedžad ef. Grabus, muftija ljubljanski, za "Avaz"

Bošnjake ne treba gurati u torove!

Mi smo još taoci, čini mi se, jedne prevaziđene filozofije u kojoj je važniji moj prijatelj nesposoban nego neko ko može promijeniti makar nešto u svom životu

Razgovarala: Semira
DEGIRMENDŽIĆ

Nedžad Grabus, muftija ljubljanski, na prošlosedmičnim izborima za predsjednika Mešihata Islamske zajednice u Sloveniji izabran je ponovo za predsjednika, u novom, trećem mandatu, koji traje do 2020. godine. U intervjuu za „Dnevni avaz“ muftija Grabus govori o položaju Islamske zajednice i Bošnjaka u Sloveniji, gradnji džamije u Ljubljani, odnosu politike i vjere te o globalnom problemu odlaska uglavnom mladih ljudi, i iz Slovenije, u strane ratove.

Gradnja džamije

□ Jedno od najaktuelnijih pitanja posljednjih godina u IZ Slovenije jeste gradnja džamije u Ljubljani. Dokle se došlo s tim projektom?

- Od 2008. godine, kada je kupljeno zemljište za gradnju džamije u Ljubljani, u taj projekt uloženo je 8,1 milion eura. Osim kupovine zemljišta, koje je koštalo 5,4 miliona eura, imali smo obavezu kupiti i dijelove zemljišta za pristupnu cestu. To je i najviše kočilo proces gradnje džamije. Prije petnaestak dana skupili smo sve papire i mislim da ćemo za petnaestak dana početi graditi objekt.

□ Bošnjaci se danas često pozivaju na jedinstvo ili im se prigovaraju različite podjele, kako Vi to vidite?

- Mislim da smo mi danas mnogo više jedinstveni nego što smo bili prije 50 godina. Ne treba zaboraviti činjenicu da smo mi o

Katolička crkva daje nam prostor za mekteb

- Kroz mekteb organiziramo vjersku pouku i to radimo u 22 grada u Sloveniji. Recimo, u Portorožu Katolička crkva daje nam svoje prostore za organiziranje vjeronauke i ja sam više puta zahvaljavao. Dugo

smo i u Izoli koristili prostore Katoličke crkve, a sada imamo svoj prostor, hvala Bogu. Imamo 18 regularnih džemata, a djelujemo u 20 gradova, jer imamo i povremene punktove u nekim gradovima.

svom nacionalnom, pa i vjerskom identitetu slobodno počeli razgovarati tek prije tridesetak godina i ne bih ja Bošnjake nikada gurao u tor. Bošnjaci su zreli, slobodni ljudi i neka traže jedinstvo u onome što je za nas važno i što je za nas strateško opredjeljenje.

□ Ima li incidenata sličnih onima koji su se dešavali u nekim džamijama u BiH, od pripadnika tzv. vehabijskog pokreta?

- Prema našim saznanjima, i u Sloveniji djeluju neka udruženja koja se time bave, ali oni nisu unutar IZ. To nije samo problem BiH, ja bih rekao da je to globalni izazov. Morat ćemo više govoriti o tome kako da odgajamo i obrazujemo ljude u vremenu u kojem sada živimo i to jeste veliki izazov s kojim se mi kao Bošnjaci trenutno suočavamo i mora nas sve to

žalostiti zato što smo prvi put u povijesti na takav način i podijeljeni.

□ A, ima li u Sloveniji slučajeva odlazaka mladih na sirijsko i iračko ratište i kakav je Vaš stav o tome?

- Vidjeli smo iz medija da su otišla dvojica ili trojica ljudi koji su konvertirali u islam, etnički Slovenci. Tu države moraju biti vrlo odgovorne. To nije problem koji se može prebaciti na pleća Islamskoj

zajednici. Mi nismo za to odgovorni, mi smo apsolutno protiv toga i smatramo da države moraju preuzeti veću odgovornost.

□ Kako Vama kao Bošnjaku koji živi u Evropskoj uniji, BiH izgleda iz te perspektive?

- Geografski, ljudski i po prirodnim ljepotama to je jedna od najljepših država na svijetu. Po organizaciji života, ja sam kao građanin BiH veoma zabrinut.

Politika i vjera

□ Kako ocjenjujete odnos politike i vjere?

- Ako govorimo o Sloveniji, to nije toliko izraženo, to nije izazov kao što je u BiH, ali mislim da postoje i pravila i određena rješenja. Na nivou BiH još nisu formirani centri moći koji odlučuju na građanski način. Mi smo još taoci, čini mi se, jedne prevaziđene filozofije u kojoj je važniji moj prijatelj nesposoban nego neko ko može promijeniti makar nešto u svom životu. Proces promjene te svijesti ljudi koji odlučuju o nečemu u BiH vjerovatno će trajati izvjesno vrijeme. Mi smo imali periode u kojima je IZ bila sto posto involvirana u politička kretanja u BiH. Sada smo došli u fazu u kojoj se IZ nastoji nekako distancirati od politike, ali to, očigledno, ne ide tako brzo.



Ef. Grabus:
Tražiti jedinstvo
(Foto: S. Saletović)

Održana redovna sesija „Krug 99“

Sadiković: Treba pozdraviti novi pristup EU

Država BiH treba stati na vlastite noge pa onda tražiti pristup u EU. Treba pozdraviti novi pristup EU zbog kombinacije ekonomskih i političkih mjera, izjavio je profesor Čazim Sadiković

na jučerašnjoj redovnoj sesiji „Krug 99“ o temi „Uspješne reforme u BiH samo uz modernu demokratiju“.

Sadiković smatra da je u BiH potrebno donijeti novi ustav, što je predložila i Par-

lamentarna skupština Vijeća Evrope (PSVE) kako bi se nacionalna i etnička odrednica zamijenila građanskom.

- Prema sadašnjem Ustavu, sve državne institucije su oštećene pa umjesto predsjed-

dnika vlade imamo predsjedavajućeg Vijeća ministara BiH. Ne postoji vrhovni sud na nivou BiH, dok je državna imovina izložena domaćim i stranim strvinarima - kazao je Sadiković. **A.L.**



Džeko: Katalonski div zagrizao za usluge našeg napadača

Ličnost dana Edin Džeko

Barca čeka Dijamanta

Svjetski velikan pokazao interesiranje za golgetera "Zmajeva"

Najbolji fudbaler Bosne i Hercegovine Edin Džeko briljantnom predstavom s tri pogotka protiv Andore zadržao je šanse naše A-selekcije za plasman na Evropsko prvenstvo u Francuskoj 2016. godine.

Iako na terenu nismo izgledali moćno protiv jedne od najgorih selekcija Starog kontinenta, Dijamant je pokazao zašto su za njegove usluge zainteresirani mnogi evropski velikani.

U svom 70. nastupu u dresu "Zmajeva" najbolji strijelac u historiji fudbalske reprezentacije BiH pogadao je u 13., 49. i 62. minuti, zaokruživši svoj broj pogodaka u državnom dresu na

41. Član engleskog Manchester sitija možda već ovog ljeta promijeniti sredinu i pridruži se velikoj Barceloni, jer, prema pisanju katalonskog "Sporta", Blaugrana je ozbiljno zagrizla za usluge bh. napadača.

Džeko je rođen u Sarajevu 17. marta 1986. godine. Prošao je omladinsku školu Željezničara, a za prvi tim iz Zvorničke 27 zaigrao je 2003. U karijeri je još nastupao za češke Teplice, njemački Wolfsburg, gdje je proglašen za najboljeg igrača svih vremena. Nastupao je za U19 i U21 selekcije naše države, a za A-tim igra od 2007. **H.K.**

Muftijstvo mostarsko počelo pripreme

Mevlud na Buni ima državni značaj

Tradicionalni mevlud koji se, u sklopu manifestacije „Dani mevluda i zikra“, održava svake godine početkom maja ispred Tekije na Vrelu Bune u Blagaju, nakon Ajvatovice je najmasovnija i najznačajnija vjerska manifestacija muslimana BiH. Mevlud pod blagajskom liticom, koji se održava druge subote u maju, svake godine okupi više od 20.000 vjernika.

S obzirom na to da se s pravom smatra od ogromnog i posebnog značaja za cijelu društvenu zajednicu, organiziranju i ovogodišnje, 40. po redu manifestacije i tradicionalnog mevluda prišlo se s dosta pažnje i ozbiljnosti, tako da su u toku opsežne pripreme.

U Muftijstvu mostarskom održan je niz sastana-



Ef. Dedović: Značaj skupa

ka, a organizatori su najavili da će od različitih struktura bh. društva zatražiti pomoć.

- Cilj nam je da njenu važnost dignemo na nivo od posebnog državnog značaja i da kao takva bude prepoznata u našoj javnosti - kazao je tim povodom muftija mostarski Salef Dedović. **M.H.**